



Uunga siunnersuut: Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaata allanngortinneqarnissaa pillugu Inatsisartut inatsisaat nr. xx, xx. xxx 2018-imeersoq.

(Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut isertitassanut tunngavissat annertusineqarnerat, innersuussutip naqqiissuteqarfigineqarnera, pisortat ataatsimoorussamik IT atorlugu aaqqissuussinerat aamma missingersuutit oqimaaqatigiinnerat pillugu §§ 2-5-imik atorunnaarsitsigallartarneq)

(Aningaasaqarnermut Naalakkersuisoq)

(Siullermeerneqarnera)

Naalakkersuisut naapertorlugit siunnersuummi pineqarput aalajangersakkani assigiinngitsuni arlalinni annikitsunik teknikkimullu tunngasunik arlalinnik allanngortitsinissaq.

Demokraatini tapersorsorparput aningaasarsianit akileraarutit aamma Namminersorlutik Oqartussat sinnerlugit mittarfiliornert pineqartunut ilaatilerlugit annertusineqarnissaat. Taamaasilluni aningaasarsianit akileraarutit Piffissaq ungasinnerusoq eqqarsaatigalugu aningaasaliissuteqarnissamut Aningaasaateqarfimmut tutsinneqartussaapput. Taamaaliornermi isertitat taakkua inuiaqatigiit aningaasaqarneranni ineriartortitsinermut pitsaasumik atorneqassapput aammalu aningaasaqarnermi atuivallaalernissap aarlerinaateqarnera annikillissalluni.

Demokraatini pisortani ataatsimoortumik IT-kkut aaqqissuussinermik, pisortani ataatsimoorussamik IT-mut aaqqissuussaanermik, kommunit aamma Namminersorlutik Oqartussat akimorlugit ataatsimoorluni pisiniarnernik, ingerlatsinermik aammalu IT atorlugu periaatsinik ineriartortitsisussamik pilersitsiniarneq ajunngitsortalittut isigaarput



Inatsisartut inatsisaanni §§ 2-5, 2022-mi 1. januaarip 2022 tikillugu atorunnaarsinneqarallarnissaannut siunnersuummut tunngatillugu erseqqissaassutigissavarput qulequtaq taannarpiaq Aningaasaqarnermut Ataatsimititaliami massakkorluinnaq suliarineqarmat. Tunngaviusumik missingersuusiortarneq pillugu inatsit malinneqartariaqarpoq taamaattumik atorunnaarallartitsisoqassappat ersarissumik tagilimmillu pissuteqartoqartariaqarpoq. Taamaattumik pissusissamisoortutut isigaarput Aningaasaqarnermut Ataatsimiititaliami pineqartup naammassillugu suliareqqaarneqarnissaa matumap siunnersuutip sulianissaa naammassitinnagu. Taamatut oqaaseqarluta siunnersuut Aningaasaqarnermut Ataatsimiititaliamut ingerlateqqipparput.